



03. oktober 2019

UKA2019/151

**Uunga siunnersuut: Nukissamik pilersuineq pillugu Inatsisartut peqqussutaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq. (Innaallagiamik aamma ungasianiik pilersuineq pillugu sullissinissamut isumaqatigiissuteqarneq)**  
(Aleqa Hammond, Nunatta Qitornai)

Nukissiorfiit innaallagiamik kiassarnermillu inuiaqatigiinni kalaallini pingaaruteqarluinnartumik inissimavoq. Inissisimaneq pingasunngorlugu agguagaasoq pineqarpoq:

1. Innaallagiamik aamma ungasianiik kiassarnermik tunisassiorneq pingarneq, ilanngullugu sumi tamaginni atueruttulernermi 100%-imi naammattumik sillimmateqarnissamik pi-sussaaffeqarneq,
2. innaallagiamik aamma kiassarnermik ingerlatsinerlut siammarterinernullu aqquser-suutitut piginnittuuneq ingerlatsisuunerlu,
3. innaallagiamik kiassarnermillu pilersuinerup teknikkikkut pitsaassuseqarneranut aamma innaallagiap qimaaqatigiissinneqarneranut periaatsimut akisussaasusoq, ilanngullugu ullu-innarni ingerlatsineq serfallatsaaliinerlu.

Aningaasartuutit nikerartut unammilligassaapput, pingaartumik illoqarfinni erngup nukiganik innaallagissiorfeqartuni aningaasartuut nikerarnerat annikitsuinnaalluni kisiannili allani nikerarluni. Inuiaqatigiit aningaasartuutitut nikerartunut ataatsimut tamakkiisumik isigigaanni akiliisus-sanngortarput, taamaammat Nukissiorfiit atuisut akiliuteqartinnerisigut aningaasartuutit matus-susertissimanngippatigit, peqatigisaanik tamatumunnga akiliinissaq isummerfigineqartussaavoq, siunnersuuteqarnermilu eqaatsumik aaqqiinnaalernissaq siunertarineqarpoq.

Nukissiorfiit ukiumoortumik naatsorsuutitut klasse C-nut suliffeqarfiusunut tunngatillugu malerua-gassat malillugit saqqummiussisussaapput, amingartooruteqarnerlu takutinneqarpat tamanna sa-naartukkanit pigisanit nalillit annasaqartitsisartut nalikillineqartussanngussapput.

Nukissiorfiit siunissamut qaffasissumik pitsaassusilimmik sullissillunilu pilersuisussaataaffini qulak-keersinnaanissaa inerisaasinnaanissaalu siunersuummi pineqartut siunertaavoq.

Siunnersuutip aappasaaneerineqartinnagu nukissiuteqarnermut ataatsimiititaliamut ingerla-teqqipparput.